

Izjava OHR-a na konferenciji za medije međunarodnih organizacija

Avionska nesreća

Prije nego postavite pitanja: mogu potvrditi da će visoki predstavnik dati kratku izjavu za medije u 12.30 sati u vezi avionske nesreće. U ovom trenutku ne namjeravamo dalje komentirati.

Govor visokog predstavnika u Mostaru

Kao što vam je već poznato, visoki predstavnik je danas u Mostaru gdje će otvoriti Međunarodnu investicijsku konferenciju koja se održava u tom gradu. Visoki predstavnik će prezentirati međunarodne i domaće investicije u budućnosti Bosne i Hercegovine i upozorit će na povratak «politike iz prošlosti», koji još uvijek može nanijeti neopisivu štetu BiH i njenim građanima. Bilo bi tragično da se većina stranaka ponovo vrati lakoj staroj igri pozivanja na ugroženost dok se BiH bori da iskoristi historijski momenat za članstvo u Partnerstvu za mir i početak pregovora za potpisivanja Sporazuma o stabilizaciji i pridruživanju Evropskoj uniji. Citiraću govor visokog predstavnika: "Nadam se da će se ove stranke, a što je mnogo značajnije, novine koje ih podržavaju, oduprijeti iskušenju da pribjegu ovoj lakoj ali ciničnoj taktici – jer je ona destruktivna i sterilna. BiH sada ima budućnost. Izbori bi trebali da budu o toj budućnosti i o slavljenju pomaka koje je BiH načinila. A ne o prošlosti, gdje svaka strana tvrdi da je tada bila najveća žrtva i da je još uvijek najveća žrtva."

Visoki predstavnik će naglasiti da je BiH primamljiva destinacija za privlačenje investicija. Ova država ima

stabilnu valutu i da skoro nema inflacije; imamo uspostavljen sistem vrlo stroge kontrole javnih rashoda, i trenutno se priprema uspostavljanje nove Uprave za indirektno oporezivanje na nivou države koja će, radeći prema evropskim standardima, vršiti naplatu carinskih prihoda i nadgledati propisno uvođenje PDV-a do početka 2006. godine.

“Buldožer” komisija nadgleda novih 50 reformi koje su u postupku usvajanja – a još 50 reformi će biti pripremljeno za treću fazu “Buldožer” inicijative, koja će započeti uskoro – i to predstavlja početak pozitivnog uticaja na poslovno okruženje.

Vlade su se obavezale izraditi sadržajan kratkoročan i srednjeročan plan ekonomskih aktivnosti koji će predstavljati praktičnu i detaljnu listu stvari koje se moraju uraditi kako bi se privukle investicije i otvorila nova radna mjesta. BiH je idealno pozicionirana da ostvari dobiti sa ubrzanim razvojem trgovine sa Evropskom unijom te da doživi porast u regionalnoj trgovini jer je tržište sa 55 miliona potrošača u Jugo-istočnoj Evropi otvoreno kroz inicijativu Pakta stabilnosti o slobodnoj trgovini.

VSTV

Visoki predstavnik pozdravlja rezultat glasanja u Narodnoj skupštini Republike Srpske kojim se daje podrška uspostavljanju jedinstvenog Visokog sudskog i tužilačkog vijeća za Bosnu i Hercegovinu.

Visoki predstavnik je izjavio: “Nezavisno sudstvo i nezavisna imenovanja, predstavljaju fundamentalni princip i ključni preduslov za proces evropske integracije. Jedinstven Visoko sudsko i tužilačko vijeće predstavlja centralni dio tog procesa i umnogome će pomoći stvaranju uslova u kojima će svi građani Bosne i Hercegovine biti jednaki pred zakonom te da niko, pa ni oni najbogatiji i najmoćniji nisu iznad zakona. Jučerašnje glasanje pokazuje da Narodna skupština Republike

Srpske zaista može biti nosilac reformi i da može odigrati vodeću ulogu na putu Bosne i Hercegovine ka samoodrživosti i evropskoj integraciji te predstavlja primjer podrške svih partija procesu reformi.

OHR takođe primjećuje da je Europska komisija već investirala značajna sredstva za rekonstrukciju zgrade u Sarajevu koja je još ranije namijenjena za Visoko sudsko i tužilačko vijeće BiH. Nadamo se da RS neće uzalud trošiti novac poreskih obveznika i međunarodnu pomoć niti odlagati put BiH u Europu time što će